

Broj: 06-11-246-2/2024-U-7-1-6
Sarajevo, 07.11.2024. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br.: 39/14, 59/22 i 50/24), sekretar Vlade Federacije Bosne i Hercegovine, d o n o s i

O D L U K U
O PONIŠTENJU POSTUPKA JAVNE NABAVKE USLUGA – PRUŽANJE USLUGA ODRŽAVANJA I
SERVISIRANJA SLUŽBENIH VOZILA U GARANTNOM ROKU MARKE VOLKSWAGEN ZA
POTREBE GENERALNOG SEKRETARIJATA VLADE
FEDERACIJE BOSNE I HERCEGOVINE

I.

Poništava se postupak javne nabavke: Konkurentski zahtjev za dostavu ponuda za javnu nabavku usluga – pružanje usluga održavanja i servisiranja službenih vozila u garantnom roku marke Volkswagen za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-11-246-2/2024-U-7-1, broj Obavještenja o nabavci sa portala javnih nabavki: 854-7-2-167-3-34/24 od 16.10.2024. godine, Sažetak obavještenja o nabavci objavljen u „Službenom glasniku BiH-Oglasnik javne nabavke“, broj: 71/24, s obzirom da nijedna od primljenih ponuda nije prihvatljiva.

II.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-11-246-2/2024-U-7 od 14.10.2024. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 7.800,00 KM bez PDV-a (procijenjena vrijednost nabavke za pružanje usluga održavanja i servisiranja službenih vozila u garantnom roku marke Volkswagen iznosila je 5.200,00 KM bez PDV-a).

Obavijest o nabavci, broj: 854-7-2-167-3-34/24 poslana je na objavu 16.10.2024. godine, te je istog dana objavljena na portalu Javnih nabavki. Sažetak obavještenja o nabavci objavljen je u „Službenom glasniku BiH-Oglasnik javne nabavke“, broj: 71/24.

Tendersku dokumentaciju preuzela su 4 (četiri) privredna subjekta, a 2 (dva) ponuđača su dostavila ponude u predmetnom postupku nabavke.

Ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: PORSCHE INTER AUTO BH d.o.o. Sarajevo i AC QUATTRO d.o.o. Sarajevo.

Stalna Komisija za provođenje postupaka javne nabavke roba, usluga i radova, imenovana Rješenjem, broj: 08-30-198/2024 od 30.01.2024. godine, izvršila je pregled i ocjenu ponuda, te konstatovala da nijedna od primljenih ponuda nije prihvatljiva.

Ponuda ponuđača PORSCHE INTER AUTO BH d.o.o. Sarajevo ocijenjena je neprihvatljivom iz sljedećeg razloga:

U Tenderskoj dokumentaciji, Poglavlje III UVJETI ZA KVALIFIKACIJU, tačka 1.2. podtačka c., između ostalog, propisano je: „U svrhu dokazivanja ispunjavanja uvjeta iz tačke 1.1. podtačka f) u pogledu ekonomske i finansijske sposobnosti ponuđač je dužan dostaviti: Potvrdu poslovne banke o solventnosti ponuđača, odnosno da u proteklih 12 (dvanaest) mjeseci, uključujući i datum objavljivanja Obavještenja o nabavci (16.10.2024. godine), transakcijski račun ponuđača nije bio blokiran...”.

Ponuđač PORSCHE INTER AUTO BH d.o.o. Sarajevo dostavio je Potvrdu, broj: 03674/24 od 04.10.2024. godine, izdatu od Raiffeisen bank, Glavna filijala Sarajevo. Priloženi dokaz-Potvrda ne uključuje i datum objavljivanja Obavještenja o nabavci (16.10.2024. godine), kako je traženo Tenderskom dokumentacijom.

Ponuda ponuđača AC QUATTRO d.o.o. Sarajevo ocijenjena je nepravilnom iz sljedećeg razloga:

U Tenderskoj dokumentaciji, Poglavlje **V OSTALE ODREDBE**, tačka **3. Nacrt okvirnog sporazuma**, između ostalog, propisano je: „.....Ponuđači su dužni uz ponudu dostaviti Nacrt okvirnog sporazuma u koji su unijeli podatke iz svoje ponude, te parafirati sve listove Nacrta okvirnog sporazuma.“.

Pregledom Ponude, konstatovano je da Ponuđač, u Aneksu 10 - Nacrt okvirnog sporazuma (strana 38. Ponude), u članu 6. Nacrta okvirnog sporazuma (Cijena okvirnog sporazuma) nije upisao podatke iz svoje ponude.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-11-246-2/2024-U-7-1-5 od 06.11.2024. godine i preporuku za donošenje odluke o poništenju postupka.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



Dostaviti:

1. Svim ponuđačima u postupku
2. Komisiji za javne nabavke
3. Sektoru za pravne i opće poslove
4. Sektoru za materijalno-finansijske poslove